

զկամարսն և գգմբեթն առանց քակելոյ զսենեակսն զայնս-
սիկ : Իսկ այլազգիք՝ որք բնակէին անդ , ոչ տային նոցա
թոյլ մերձենալ անդ : Ի դժուարիւ գործոյն , փոխանորդն
լատինաց խոստացաւ առաջի բազմութեան այլազգեաց ,
քակել զսենեակսն , և գինի շինութեան գմբեթին՝ վերըս-
տին շինել զայնս իւրովք ծախիւք ըստ առաջին կարգի :
Յանձն առին զայս պայման այլազգիքն , և ետուն չափել
ձարտարապետին զամենայն սենեակսն իւրաքանչիւր սլա-
րագայիւք , և ապա քակեալ զայնս , յետ շինութեան գմբ-
բեթին , վերստին շինեցին զնոսա , որոց 2 պատուհանքն
հայէին 'ի տաճար անդր Ս . Յարութեան , որ և փակեալ
խափանեցան յետոյ :

Զկնի աւարտման նորոգութեանց և շինութեանց եկին
Բդեշխն և Դատաւորն բազմութեամբ այլազգեաց 'ի տա-
ճար անդր , ընդ որս էին Ոստիկանք Դրանն և ձարտարա-
պետք , եւ չրջեալ յամենայն տեղիս արարին մանրամասն
քննութիւն 'ի բաժնի իւրաքանչիւր ազգաց եւ զարդիւնս
քննութեան հարեալ 'ի գրի՝ առաքեցին 'ի Դուռն , որպէս
պատուիրեալ էր նոցա յառաջագոյն : Այլ իրրեւ կամեցան
ծեփել և սպիտակացուցանել զնորոգեալ տեղիսն , ոչ ետուն
թոյլ Բդեշխն և որք ընդ նմա , զի յառաջագոյն հրովար-
տակաւ արդեւեալ էր զայն Արքայի : Ապա միաբանեալ Փո-
խանորդաց երից ազգաց՝ բազում թախանձանօք ածին 'ի
հաւանութիւն զմիտս Դատաւորաց , ցուցանելով նոցա ըզ-
հնացեալ ծեփս և զզանազան պատկերս եւ նկարս , որք
զարդարէին զորմս , այլ 'ի թանձրամած ծխոյ սեւացեալ
եւ խանգարեալ էին : Զի 'ի ժամանակին յորում տիրեաց
Սալահատտին քաղաքին երուսաղէմի եւ 'ի բաց վարեաց
անտի զլաշակիրս , կարգեալ էր զՍ . Յարութիւն լինել
խոհանաց զօրաց իւրոց , զաղխս և զկարասիս պատերազմին
լցեալ էր անդ , յորոց եղծեալ և ապականեալ էին բազում
տեղիք . զայս ամենայն մանրախոյզ քննութեամբ ստուգեալ
Դատաւորաց՝ ծանուցին 'ի Դուռն , ընդ նմին և զթախան-
ձանս քրիստոնէից . զի եթէ ոչ էր ծեփեալ նորոգեալ տե-
ղիքն , ընդունայն լինէին ամենայն ծախք եւ աշխատու-
թիւնք : Ի հասանիլ այսմ թղթոց 'ի Դուռն՝ ետ հրաման
Արքայն միայն ծեփել և սպիտակացուցանել առանց պատ-